

**Govor generalne sekretarke
Vijeća za regionalnu saradnju Majlinde Bregu
na samitu u okviru Berlinskog procesa
3. novembar 2022. godine, Berlin**

„Kada se svijet čini velikim i složenim, trebamo se sjetiti da su svi veliki ideali potekli iz nekog malog mjesta.“

Uvažene Ekselencije,

Okupili smo se danas za dugo očekivani nastavak važnog samita u okviru Berlinskog procesa u vrijeme kada se citat koji se pripisuje kancelaru **Adenaueru** može primijeniti na Zapadni Balkan, dio svijeta pun izazova, ali i mogućnosti, region koji je neraskidivo povezan sa Evropom.

Iako otpisani kao skoro nemogući, nakon teške i komplikovane dvije godine, tri glavna sporazuma o mobilnosti koja je koordiniralo Vijeće za regionalnu saradnju konačno su ugledala svjetlo dana. Danas dopiru do onih kojima su namijenjeni, a to su naši građani!

Slično široko rasprostranjenom uticaju regionalnog sporazuma o smanjenju cijena rominga i zelenih koridora, i njihov uticaj na terenu će biti direktan i konkretan.

Počevši od rušenja posljednjeg preostalog „viznog zida“ u regionu, onog između Kosova* i Bosne i Hercegovine.

Znam da bezvizni režim sa Bosnom i Hercegovinom za Kosovo* nije isto što i bezvizni režim sa Evropskom unijom. Međutim, u stvarnoj postavci stvari on predstavlja perjanicu našeg regiona kao jedinstvenog tržišta.

Dublja ekonomska integracija, bez prepreka, priznavanje akademskih kvalifikacija i profesija bez dugog čekanja i troškova,

sve to doprinosi izgradnji mostova koji su i dalje potrebni u našem regionu, kao i mostova sa Evropskom unijom, i to na osnovu jednakog postupanja.

Nadajući se brzom postupku ratifikacije, nastavit ćemo da podržavamo provođenje i upravljanje sporazumima tako da njihove predviđene koristi što prije dopru do onih kojima su namijenjene.

Vaše Ekselencije,

Veliki politički i diplomatski naponi koje su vlade Zapadnog Balkana, kao i partneri iz Evropske unije uložili u finalizaciju sporazuma o mobilnosti još jednom dokazuju da se sve može kad se hoće!

Sa ovim zamahom i ohrabrenjem na umu, krajnje je vrijeme da se slijedi pionirski primjer zemalja članica EU koje su se pridružile inicijativi zelenih koridora i da smanjenje cijena rominga između EU i Zapadnog Balkana postane dobar primjer.

* Ovaj naziv ne prejudicira stavove o statusu i u skladu je sa Rezolucijom Vijeća sigurnosti UN-a 1244/1999 i mišljenjem Međunarodnog suda pravde o kosovskoj deklaraciji o nezavisnosti

Radujemo se i drugim konkretnim rezultatima za samit Evropske unije i Zapadnog Balkana koji se u decembru održava u Tirani.

U ovim teškim vremenima potrebne su nam ove, ali i brojne druge mjere integracije u oblasti energetike, kibernetičke otpornosti, dezinformacija, i slično.

Kao sveobuhvatan regionalni mehanizam, Vijeće za regionalnu saradnju je spremno da između samita doprinese provedivosti procesa, te tako obezbjedi jednu od najčešće podučavanih vještina, a to je saradnja.

Hvala.